

Դոկտ. Ռուբինա Փիրումեան
Lnu Անջելիս

ՓՈՔՐԱՎԱՐԱՆՈՒԹԻՒՆԵՐԻ ԱԶԳԱՅԻՆ ԻՆՔՈՒԹԵԱՆ ՀԱՐՑԸ ԹՈՒՐՖԻԱՅՈՒՄ

Խոչընդոտ երկրի բացարձակ թրքացման դէմ¹

Կայսրութիւնը օսմանացնելու (Ottomanization) անյաջող արդիւնքից յետոյ, Երիտ. Թուրքերը ի գործ դրեցին թրքացման քաղաքականութիւնը (Turkification), որով եւ պիտի իրազործուեր «Թուրքիան բուրքերի համար» գաղափարախօսութիւնն-նպատակը: 1915-ի կոտորածները, տեղահանութիւնն ու բռնի խլամացումը այդ նպատակին էին ծառայում: Առաջին Աշխարհամարտի աւարտին յաջորդող շփորի եւ անիշխանութեան մքնուրութ կասեցրեց թրքացման քափը, որ իր նոր հունի մէջ մտաւ Թուրքիյ Հանրապետութեան ստեղծման հետ զուգընթաց: Յատկանշական է, որ սկզբնական շրջանում տարուող թրքացման քաղաքականութեան մէջ, որպէս արդինք քեմալական աշխարհականացման, կրօնը որոշ չափով իր դիրքերը զիցեց: Այնուամենայնիւ, նոյնիսկ Իսմեր Ինօնիսիյի հշխանութեան օրօք, Խալամը սկսեց աստիճանաբար իր դիրքը գրաւել երկրի ազգային դիմագծի կենտրոնում: Աղճան Սենդերեսը աւելի զարկ տուեց դրան:

Թրքացման քաղաքականութիւնը յամառօրէն տարուում էր բոլոր փոքրամասնութիւնների նկատմամբ եւ որոշ պարագաներում բացարձակ բռնութեամբ: 1934 թուին գործադրուած ազգանունների թրքացման օրենքը մի ազդու միջոց էր տարազան հասարակութեանը միատարր դարձնելու ճամբին: Այս հրամանագրով, օրինակ հայերի դէպքում, արգիլուեց կրել ազգանուն, որ հայկական հնչերութիւն ուներ եւ ազգային պատկանելութիւն էր յիշեցնում:

Խորականութեան եւ հալածանքի քաղաքականութեան եւ միեւնոյն ժամանակ երկրի հասարակութեան եւ տնտեսութեան թրքացման մէկ այլ դրսեւորում էր 1942-ի ոչ-Խալամ ժողովրդի վրայ պարտադրուած արտառոց ու անհաշի ունեցուածքի հարկը (varlık vergisi), որ ներառում էր նաև իսլամացած հայերին: Սա միջոց էր ծանր տուրքերով ոչ-Խալամներին, մանաւան՝ հայերին կողոպտելու եւ աղքատութեան մատնելու, նրանց տնտեսական ուժը ոչնչացնելու: Բոլոր նրանք, որոնք հնարաւորութիւն չունեին վճարելու, եւ պիտի ասել, որ շատերը, զուրկ էին այդ կարողութիւնից, արտորում էին դէպի արեւելեան նահանգներ՝

1 Այս յօդուածը առնուած է 2009-ի Մարտ 14-ին, Լու Անժելըսում Հայկական Ցեղասպանութեան Ոգեկոչման Համագաղութային Սարմնի կազմակերպած գիտաժողովին անգլերենով ներկայացուած ուսումնասիրութիւնից:

սոսկալի պայմաններում պարտադիր աշխատելու եւ այդպիսով պետութեան «պարտքը» վճարելու: Աքտրավայրեր կային Էսքիշենի նահանգի Սիվրի-հիսար գաւառում, բայց ամենասոսկային Էրզրում նահանգի Աշքալէ գաւառի տարբեր ճամբարներն են: Աշքալէ գիտաքաղաքի բնակչութեան մէկը՝ Պապա Եռուտիքը, պատմել էր Քենալ Եալչընին իր տեսած 300 հայ, յոյն ու հրեայ արսորեալների կրած տառապանքների մասին. «Ախոռները, սրճարանները ննջարանի վերածեցին: Քակոր, թիք եւ այն կը վառէին: Ամսէ ամսի կը վճարէին իրենց պարտքը: Շատ թշուառ վիճակ մը ունին: Զկրցան ընտելանալ այստեղի եղանակին... Շատ ցուրտ էր: Զանոնք շարունակ աշխատոցուցին»: Տաժանակիր աշխատանքը շատերին մաշեցրեց. իսկ երբ մէկը մեռնում էր, յիշում է Պապա Եռուտիքը, հսկիչ տասնապետները անտարբերութեամբ ասում են: «սատկելու գնաց»:²

Եետոյ եկան 1955-ի Սեպտեմբեր 6-7-ի պոգրոմները, ոչ-իսլամների վրայ յարձակումներ, կոտորած, բռնաբարում, տների ու խանութների կողոպուտ, աւերում ու հրդեհ: Կիպրոսի հարցի թէժ օրերն են և Թուրքիոյ Խալամ ժողովուրդը հրահրուեց յոյների դէմ իր վայրազ հակադարձը ցոյց տալու: Յարձակումները սկսեցին մի սուտ լուրի տարածումով՝ իր յոյները ոռում են նետել ու աւերել են Սալոնիքում այն տունը, որը ծնուել էր Արքուրը: Խալամ զանգուածները զազազած փողոց թափուեցին յոյներից վրէժ լուծելու, սակայն թիրախ դարձան նաև հայերը եւ երբեմն էլ՝ յատկապէս հայերը: Գրիգոր Զէյխանը (Զիհաննեան) յիշում է այդ սարսափի օրերը Պոլսում, թէ ինչպէս կառավարութեան կողմից արտօնուած համբահաւարքից յետոյ գրգռուած ժողովուրդը յարձակուեց ոչ-իսլամ բնակչութեան վրայ: Նպատակը յոյներին վնասելն էր, բայց հայերն ու հրեաներն էլ իրենց բաժինը ստացան: «Նոյն ժամերուն ոչնչացուցին Պոլիսն ու Իզմիրը: Առանց հրդեհուած, առանց քանդուած, առանց կողոպուտած յոյնի տուն, խանութ չմնաց: Յոյներուն քով հայերուն եւ հրեաներուն ալ հրդեհուեցան, քանդուեցան: Նոյն փողոցին մէջ յոյնի խանութին քով գտնուող թուրքի տան, խանութին ձեռք չսույին: Ամէն քան ծրագրուած, ոչ-իսլամներու սուներն ու խանութները նախապէս ճշդուած են»:³

Ո-որեր Հատտեճեանը յիշում է հայ մտարականութեան ապրած յուսախարութինը: «Եեռ նոր էր սկսել որոշ չափով ազատութեան շունչ փշել: Նոր ու աւելի ազատ արտայայտութիւնների կարելիութեան յոյսեր կային: Հայկական հրատարակութիւնները բազմապատկուել են: Հատտեճեանը յիշում է իր եւ Զարեհ Խրախունու այցը Սարգիս Թերզեանի տպարան. կոտրտուած մերենաներ, դէս ու դէն շարտուած թոթեր, ու «Սան» թերթի յաջորդ համարի շարուած տառերը ցաք ու ցրի գետին թափուած: Տեսարանը ցաւալի էր, բայց աւելի ցաւալին, յարում է Հատտեճեանը, խորտակուած յոյսն էր դէպի աւելի լաւ ապազա թուրքիայում»:⁴

Այս դէպքից յետոյ տեղի ունեցան ձերբակալութիւններ եւ դատավարութիւններ, բայց տնօրինուած պատիժները թէրեւ էին ու ձեւական: Զերբակալուածներից՝ դէպքերի մէջ կարեւոր դերակատար Օքքայ Էրգենը, օրինակ՝ կարճ ժամանակում ազատ արձակուեց եւ Նեւշենիրի կառավարչի պաշտօն

² Քենալ Եալչըն *Senin Güler Yüreğim*, (2000), Խստամբուլ: Մէջբերումները՝ «Հոգիս քեզմով կը խայտայ» Գրիգոր Արք. Պերճեանի բարգմանութիւնից (Երեւան, 2003), էջ 101:

³ Նոյն տեղում, էջ 179:

⁴ Տես Ոորեր Հատտեճեան, «Յուշատետր-15» (1999), էջ 160-61:

ստացաւ: Դէպքի իրական պատասխանատուն, սակայն, ինքը՝ Աղնան Սենդերեսը եւ իր կառավարութիւնը, հաշուետուրթեան չկանչուեցին: Իսկ 1960-ին Սենդերեսի անկմանը յաջորդած դատավարութիւններում ակնարկ անգամ չեղաւ 1955-ի դէպքերի եւ մեծ բուով զրիերի ու տնտեսական հսկայ վճասների պատճառ դարձած երա դերակատարութեան մասին:

1955-ի Սեպտեմբեր 6-7-ի պոգրոմների իրաւական կողմը ուսումնասիրող յօդուածում Ալֆրեդ դը Զայեասը ցատվ նկատել է տալիս, որ Սենդերեսի մեղադրականների շարքում կառավարական ֆոնտերի չարաշահումներն էին քերուած եւ 1955-ի դէպքերը չէին յիշուած, իսկ այդ դէպքերի ոստիկանական կամ պաշտօնական թղթածրար մինչ այսօր գոյութիւն չունի: Դը Զայեասը նոյնպէս ցատվ է արտայայտում, թէ Թուրքիոյ երիտասարդ սերունդը շատ քիչ բան գիտէ 1955-ի պոգրոմների մասին եւ դեռ հակառակը՝ ի յարգան Սենդերեսի յիշատակին՝ փողոցներ, դպրոցներ ու հաստատութիւններ նրա անունն են կրում:⁵

Թղթացման քաղաքականութեան յաջորդ քիրտ դրսեւորունը թրքերէնից բացի որեւէ այլ լեզու խօսելն արգիլելու՝ 1960-ականների արշաւն էր: Սա շեշտուած արձագանքն էր 1928-ից արմատ նետած կարգախօսի՝ Vatandaş, Türkce Konus! (Համաքաղաքացի՛, քրքերէն խօսի՛): Յատկանշական է, որ 1965-ից սկսած, պետական մարդասահմարի հարցախոյզից զեղչուել է անհատի մայրենի լեզուի մասին հարցումը:

Ա. Օմեր Թիրքեշը Քէմալ Ենչընի Seninle Güler Yüreğim (Հոգիս քեզմով կը խայտայ) գիրքը կարդալուց յետոյ էր իմացել 1955-ի դէպքերի մասին: Այդ գրքի մասին գրած գրախօսականում նա այսպէս է արտայայտում, «ցատուն եւ ցաւ ես զգում երը մտածում ես, թէ հանրապետական Թուրքիայում ո՛չ միայն փորձ չեղաւ 1915-ի ցաւերը ամոքելու, այլ այդ ցաւերը աւելի խորացուեցին 1942-ի varlik vegisi, 1955-ի պոգրոմների եւ 1960-ականների «թրքերէն խօսիր» կարգախօսը պարտադրող շեշտուած բրտութիւններով ու հալածանքներով: Ակնարկելով 1980-ի Սեպտեմբեր 12-ի պետական հարուածից յետոյ ձախ մտաւորականների ձերքակալութիւններին, Թիրքեշը աւելացնում է, թէ միակ ժամանակ երը հայերի ու բուրքերի հետ հաւասար վերաբերուեցին, դա բանտերում էր, դաժան շարչարանքների նկուղներում:⁶

Թուրք ազգայնական շարժումը նոր բափ եւ ուղղութիւն էր ստանում: 1969-ին ֆաշիստական կողմնօրշուում ունեցող գնդապետ Ալիքալան Թիրքեշը իր ծայրայեղ ազգայնական կուսակցութիւնն էր կազմում (Milliyetçi Hareket Partisi - Ազգային շարժում կուսակցութիւն), որից պիտի սերէր «Գորշ գայլեր» խմբակցութիւնը: Ծայրայեղ ազգայնական շարժումին միացաւ նաև Նեշմերքին Էրբարձանը եւ իր նորաստեղծ կուսակցութիւնը (Milli Nizam Partisi - Ազգային կարգ կուսակցութիւն): Սիլէյնան Դէմիրելի եւ Բուլենը Էջելիրի օրոք այս երկու կուսակցութիւնները կարենոր մասնակցութիւն ապահովեցին երկու ոստիկանական եւ ապահովական գաղտնի սպասարկութեան կառոյցներում:

5 Տե՛ս Ալֆրեդ դը Զայեաս, “The Istanbul Pogrom of 6-7 September 1955 in the Light of International Law” («1955-ի սեպտեմբեր 6-7-ի հստանքովի պոգրոմը միջազգային օրենքի լոյսի տակ»), (2007): Պիտի աւելացնել, որ Վեզչերս հրապարակ է իշել Güz Sancısı (Ժիւղ աշում) Փիլմը, որ մի սիրոյ պատմութեան ընթացից անդրադառնում է 1955-ի դէպքերին, այնուամենայնիւ, արդինքը երբեք բաւարար չէ:

6 Գրախօսականը տես <http://www.pandora.com.tr/turkce/elestiri.asp?yid=251> կայքում (Յունուար 31, 2007):

Derin devlet-ը⁷ կազմուած էր եւ իր քաղաքական ու ահարեկչական ընդյատակեայ գործունեութիւնն էր տարածել, որ շարունակում է մինչեւ օրս: Բացայայս իրողութիւն է, որ 1978 եւ 1993 ալեւիների կոտորածների օրերին «Գորշ գայլեր»ը, derin devlet-ի ահարեկչական թեւը, 1915-ի կոտորածները իրագործող Տեշկիլա-1 Mabsusa-ի (Յասուկ կազմակերպութիւն) դերն էր ստանձնել:

1980-ի զինուորական հարուածը եկա վերջ տալու ծայրայեղութեան հասած իսլամական շարժումին: Արդիւնը, սակայն, ժամանակատոր էր: Իշխանութիւնները դարձեալ հակուեցին դեպի Խալամ՝ կիզակէտը թուրք ազգային գիտակցութեան: Թուրքութ Օզալը այս երեւոյիք մեծ դերակատարն էր: Փերրի Անդրսընի կարծիքով, «Կրօնի վրայ հիմնուած ազգային ինքնութիւնը աւելի շեշտաւորուեց, երբ իսլամական սինթեզի քրքական տարբերակը տարածուեց իրեւ դասագրքային ուսմունք»:⁸ Այսպիսով, թուրք ազգային ինքնութիւն հասկացողութիւնը խոր արմատներ էր նետում մխտելով ու զնշելով Թուրքիայում ապրող նոյնիսկ իսլամ ժողովուրդների երնիքական իրայատկութիւնները:

1980-ի պետական հարուածին յաջորդած ծախերի հալածանքն ու ձերքակալութիւնները արմատախիլ արեցին մանաւան՝ երիտասարդ մտաւորականութեան մէջ տարածում գտած շարժումը: Դա մահացու հարուած էր նաեւ քուրդ մտաւորականութեան նապատակներին: Նրանք յոյս ունեին քրդական վերածնունդը տարածել գոնի համալսարանական միջավայրում: Յիրափ, 1980-ի պետական հարուածից յետոյ քրդական հալածանքներն ու խորականութիւնը նոր չափերի հասան՝ պարետային ժամեր երկրի հարաւ-արեւելում, քրդերէնի գործածութեան արգիլում եւ քրդական լեզուի ու մշակոյիք դրսեւորումների խափանում ամբողջ Թուրքիոյ տարածքում: Այս ճնշումներն էին, որ Քրդական Բանուորական կուսակցութեանը (Partiya Karkeran Kurdistan, PKK– Քուրդիստանի բանուորական կուսակցութիւն) զինեալ պայքարի մղեցին: 1984-ին սկիզբ առա քրդական ապատամբութիւնը եւ միայն 1999-ին Դեմիրելին յաջողուեց խեղդել ու չեղոքացնել անհանգստութիւնները, ինչ որ լիովին չըր կարողացել կատարել Օզալը: Վերջանորդութիւնը քուրդ դեղերէնով մատուցել:

Եւրամիութեան մէջ ընդունուելու փորձերը որոշ փոփոխութիւն մտցրին փորբանանութիւնների նկատմամբ թուրք կառավարութեան վարած քաղաքականութեան մէջ: Գոնէ առերեւոյք մեղմացումը զգալի է մանաւան՝ քրդերի պարագային: Մասնաւոր դարպուներում արդէն թոյլատուում է քրդերէն դասաւանդել. կարելի է նաեւ որոշ հեռուստածրագրեր քրդերէնով մատուցել:

Ալեւիների դրութիւնը աւելի վատ է: Շարունակական հալածանք ու խորականութիւն, որի մասին աշխարհը այնքան էլ տեղեւակ չէ: Այս կրօնական եւ ոչ-Երնիքական խմբատրումը ընդհանրապէս ներկայացուած է իրեւ հերեւուիլուսների, Ծիփ-ներից էլ աւելի անընդունելի, նոյնիսկ արէխատների հաւաքածոյ: Այսօր Թուրքիայում ապրում են 10-12 միլիոն ալեւիներ, որոնցից 2-3 միլիոնը ծագումով քրդեր են եւ ով զիտէ՝ որքանը քրդացած հայեր:

7 Թարգմանարար կարելի է խորքային պետութիւն կոչել պետութեան մէջ հասկացողութեան համենատուող այս գաղտնի խմբակցութիւնը, որ կազմուած է երկրի դեկավար կառոյցների մէջ գործող ազդեցիկ պաշտօնատարներից: Ոչ-ժողովորդավարական սկզբունքներով դեկավայրուող այս խմբակցութիւնը ուժի եւ բոլորութեան միջոցով իր նպատակներն է պարտադրուու, նպաստակներ, որոնք, իր կարծիքով, երկրի շահին են եւ ի հարկէ դէմ ոչ-ուրուք փոքրամասնութիւններին: Անժամտելի է նաև Ergenekon ահարեկչական գաղտնի կազմակերպութեան կազը այս խմբակցութեան հետ:

8 Փերրի Անդրսըն, “After Kemal” (Քեմալից յետոյ), London Review of Books, 25 սեպտեմբեր, 2008.

Հակառակ քրդերին, որոնք ցրուած են ամբողջ երկրու, ալեւիները աւելի կենտրոնացած են միջին-արևելեան տարածամասում՝ Չորոսից Մոլշ: Կրօնը այս խմբակցութեան գաղափարախօսութեան մէջ մեծ դեր չի խաղում: Ալեւի ինքնութեան հիմքում մարդասիրութիւնն է եւ համաշխարհային իդեալները:

Բոլոր ազգային եւ կրօնական փոքրամասնութիւնները միասին Թուրքիոյ բնակչութեան մէկ երրորդն են կազմում: ուրեմն, ինչպէս Փերրի Անդրսոնն է նշում, ժողովրդի մէկ երրորդը շարունակական խտրականութեան տակ է գտնուում: Ուժով պարտադրուած ծովումը թուրք հասարակութեան մէջ, այսինքն՝ զնշումը ինքնութեան, որ է լեզուի, մշակոյթի եւ ազգային պատկանելութեան, ընթանում է համատարած բոլորի վրայ, դրանք լինեն ոչ-թուրք մուսուլմաններ, ինչպէս քրդերը, լազերը, արաբները, չերքեզները եւ չեչենները, կամ ոչ-մուսուլմաններ, ինչպէս հայերը, յոյները եւ հրեաները:⁹

Թոքահայ փոքրամասնութեան նկատմամբ տարուող քաղաքականութեան փոփոխութիւնը այլ արմատներ ունի եւ այլ ուղղութեամբ է զարգացել: Կարելի է ասել, թէ դա կապուած է եղել Հայոց Յեղասպանութեան ճամաշնան համար 1970-1980-ական թուականներին Սփիտքում տարուող քաղաքական եւ զինեալ պայքարին: Որպէս հակադարձ, այդ տարիներին թուրք իշխանութիւնը հրապարակը հեղեղեց ուրացման գրականութեամբ, որ իր ուղին գտաւ նաեւ դպրոցական դասաձրագրերի մէջ: Թուրք պատահին սպորեց ատել հայերին, որոնք Օսմանեան կայսրութեան թշնամիներին էին միացել ու փորձել էին կայսրութիւնը տապալել:

Թաներ Աքչամը իր հարցազրոյցներից մէկում վկայում է իր ստացած դաստիարակութեան մասին:¹⁰ Նման բացատրութիւն է տալիս նաեւ Օսման Քեօթերը 2005-ին իր կազմակերպած «Խմ սիրելի եղբայրս» բացիկների ցուցահանդեսի առիթով Ֆերան Պրեսի թղթակցին տուած իր հարցազրոյցում:¹¹ Խոկ Հուլիս Ադաքը, հետեւելով Թալեկաք Փաշայի յուշերի հրատարակման ու վերահրատարակման թուականներին, եզրակացնում է, որ ամէն անգամ, երբ հայկական հարցը միջազգային ուշադրութեան էր արժանանում, թուրք իշխանութիւնները շուկան լեցնում էին Թալեկաքի յուշերով (1921, 1945, 1986, 1990, 2005, 2006)՝ դրանով ձեւատրելու ու վերաձեւատրելու թուրք հասարակութեան

9 Ըստ Wikipedia համբագիտարանի տուեալների, առնուած Թուրքիայի երեք համալսարանների պրոֆեսորների 2008-ին Ազգային Ապահովութեան Խորհրդի համար պատրաստուած գեղուցման, Թուրքիոյ բնակչութիւնն հետեւսա պատկերն է ներկայացնուում. 50-55 միլիոն երնից թուրքեր, 12.5 միլիոն քրուեր, 2.5 միլիոն չերեզներ, 2 միլիոն բռնիացներ, 1.3 միլիոն ալբանացներ, 1 միլիոն վրացներ, 870,000 արաբներ, 700,000 ռոմաներ կամ ռումանիներ (զնչուների ցեղ), 600,000 պյուակներ (ժամանակին հայացած բուզգարացներ), 80,000 լազեր (մեծ մասամբ Սեւ ծովանա ափերում), 60,000 հայեր, 20,000 իրեաներ, 15,000 յոյներ և 13,000 համշէններ: Զեկուցագործ չեն յիշուել զանաները, որոնց գոյութիւն ունեն անյայտ թուու (Եթոքական տեսակետից արհական, իրանական, կոնով ալեւի կամ սիլնճի). Սրանք, աւելի մեծ հայածանների Ենթակուելով, թողել են իրենց բնակավայրերն ու հեռացել, մասսամբ էլ ծովուել: Տես "Demographics of Turkey" (Թուրքիայի ժողովուղագործութիւնը) յօդուածը: Զեկուցագործ նշուած թուերից հայկական ծագում ունեցող, մեզ հետաքրքրող հանշէնների քանակը բաւական անտրամաբանական է թուու: Բազմաթիւ ուսումնասիրութիւններ համշէնների ներկայ թուը նշում են 3-400,000, որոնցից համարեա կէսը քրիստոնեաներ են եւ ապրում են Թուրքիայից դուրս. հսկ միս կէսը հվամ կրօնն են հետեւում եւ այսոր, քաջի իրենց աւանդական բնակավայրերը ցրուած են անձն տեղ:

10 “Is It Still Genocide if Your Allies Did It?” (Արդեօք դա դեռեւ ցեղասպանութիւն է, եթ դա ո՞ւ դաշնակիցներն են կատարել). Հարցազրոյցը վարել է Փիթը Շիլինգը, Minnesota Law and Politics, թերթում, տես հետեւալ կայթէջը [http://www.lawandpolitics.com/minnesota/Is-It-Still-Genocide-if-Your-Allies-Did-It/cef7381e-fe46-102. \(12/27/2007\).](http://www.lawandpolitics.com/minnesota/Is-It-Still-Genocide-if-Your-Allies-Did-It/cef7381e-fe46-102. (12/27/2007).)

11 Տես “Turkey Begins Self-Reflection Over Armenia” (Թուրքիան Հայաստանի նկատմամբ ինքնախոկում է սկսում), հարցազրոյցը վարել է Նիքոլա Շեւիրոնը. աղբիւրը՝ www.Armeniapedia.org

վերաբերմունքը հայկական հարցի նկատմամբ:¹² Թրքական քարոզական մեքենայի վերջին ձեռքբերումներից է պատմութիւնը խեղաթիւռող եւ հայերի նկատմամբ ատելութիւն սերմանոյ «Սարի գելին» ֆիլմը, որ նախատեսուած է կրթական համակարգի համար:

Այսուամենայնի, այսօր մեծ է թիւր այն թուրք մտաւորականների, որոնք հարցադրումի են ենթարկում թուրք իշխանութիւններին՝ անցեալը չուրանալ եւ պատմութեան հանդեպ իրենց դիրքը հաստատ պահելու սիրոյն հասարակութեան միտքը խարեւութիւններով չողողել։¹³ Այս ազատախոհ մտաւորականները իրենց ինքնութեան փնտրուուիք մէջ մերժում են ընդունել իշխանութիւնների պարտադրած «թուրք ազգային ինքնութիւնը»։ Նրանք հաւատացած են, որ ազգային ինքնութեան մէջ կրօնին այսքան ծանրակշիռ կարեւորութիւն տալով, իշխանութիւնները վնաս են բերում ժողովրդին ու զրկում են նրան իր հրական ինքնութիւնը գտնելու հնարաւորութիւնից։

Օրհան Փամուրը հաւատում է, որ այս բազմազանութիւնը միշտ գոյութիւն է ունեցել, եւ յաջորդական իշխանութիւնները փորձել են սպանել այն. «Մեծ է թիւր այն հեղինակաւոր քաղաքագէտների, որոնք ժամանակի ընթացքում փորձել են մէկ եռորդին, մէկ ապրելակերպ պարտադրել Թուրքիոյ վրայ։ Որոշները՝ զինուրական միջամտութեամբ Արևմտեան աշխարհականացում են բերել. ուրիշները ցանկացել են Թուրքիան տեսնել յախտենապէս աւանդական եւ իսլամական։ Նման մօտեցումը կործանում է ժողովրդավարութիւնը Թուրքիայում ... Այս եռորդինները տեսական երկխօսութեան մէջ պիտի մնան, վիճեն իրար հետ ու փոխեն իրար»։¹⁴

Պարզ է, որ այս մտաւորականները ենթակայ են անդադար յարձակումների ու հալածանքի։ Հրանտ Դինքի սպանութիւնը մէկ ցաւալի դրսեւորումն էր այս երեսոյքի։ Նա համարձակուել էր ասելու, թէ ինքը Թուրքիայից է, բայց թուրք չէ, հայ է։ Նա համարձակուել էր ասելու, թէ ինչ որ կատարուեց 1915-ին, ոչ այլ ինչ էր երեւ ոչ ցեղասպանութիւն։ Եւ վերջապէս, նա համարձակուել էր յայտարելու, թէ թուրք կարծուած հերոսուիի, ուազմական օրաչու,¹⁵ Արարուրքի հոգեզաւակ, եւ թուրքերի պաշտամունքի առարկայ Սարիհա Գեօրչենը 1915-ի հայ որբերից է եղել։

Դինքի սպանութիւնը սրափեցրեց ազատախոհ մտաւորականութեանը, որը այսուամենայնի ճշմարտութեան փնտրուուրով պեղում է անցեալը։ Նոր հրատարակութիւնները Թուրքիայում տարբեր մօտեցումներով, տարբեր դասումներ են կատարում. օրինակ՝ Խստանքովի Թուրք Պատմական Ընկերութիւնը, որ անշատուել է Անքարայի մայր կազմակերպութիւնից, *From Subject to Citizen in 75 years* (Հպատակից՝ քաղաքացի 75 տարուայ ընթացքում, 1999) հրատարակութեան մէջ խօսում է հայերի տեղահանութեան մասին։

Ֆարմա Սիլգէ Գեօշերի կարծիքով, սա առաջին փորձն է հայութեան տեղահանութիւնը բռնի գաղթի անուան եւ մանաւան՝ ընդհանուր գաղթերի

12 Տես Յովհա Աղաք, “Identifying the ‘Internal Tumors’” (ճանաչենք «Աերքին ուռուցքները»), (2007):

13 Այս դիրքորոշումը պես չէ մենարանեւ իրեւ արտացոլը Նայոց Ցեղասպանութեան ճշմարտութեան ճամաշման։ Այս մտաւորականների մեծ մասը պարզապես Թուրքիոյ անցեալը պեղուու եւ փորձամասնութիւնների հանդեպ արդար վերաբերմունքի պահանջն է կատարում։ Եւ այդ բոլորը ի սկզ ժողովրդավարութեան, որ բացակայում է երկրում։

14 Մշերեումը NPO 24:3 (Ամառ, 2007) հացագրութիւն, էջ. 11.

15 Ըստ որոշ աղբիւրների, Wikipedia, online Encyclopedia կամ Notablebiographies.com, Սարիհա Գեօրչենը (1913-2001) իրօք առաջին կին ուազմական օրաչուն է եղել աշխարհում։

վերտառութեան տակ ներկայացնելու, եւ վերջապէս առաջին փորձն է տարիների բացառումից յետոյ Թուրքիոյ պատմութեան մէջ հայերին եւս ներառելու: Բոլոր պարագաներում, սա հեղինակի ընտրած ուղին է նկարագրելու այն «դեմոգրաֆիկ փոփոխութիւնները», որոնք այսօրուայ միատարր հասարակութեան առաջացմանը սատարեցին եւ հիմնականում ներկայացնելու Հայոց Յեղասպանութիւնը՝ իրեւ բռնի զաղք, որ տեղի ունեցաւ «ոչ-բարենպաստ» պայմաններում:¹⁶

Նոյն հրատարակութեան մէջ բռնի զաղքի բեման շօշափող յօդուածի հեղինակ Աքիլ Գիլբոյը գրում է, թէ «Ա. Աշխարհամարտի ընթացքին, 1915-ի գարնանը, Երիտ. Թուրքերը որոշեցին պարտադրել հայերին երկրից դուրս զաղթելու... Որոշ հայեր էլ Թուրքիան բողեցին հանրապետութեան հիմնադրումից յետոյ»:¹⁷ Այսպիսով, հեղինակը լուծում է հայ բնակչութեան բուի հարցը. ուրեմն, շորջ երկու միլիոն նախքան պատերազմը, 60,000 այսօր, մնացեալը զաղթել են:

Հակառակ փոքրամասնութիւնների նկատմամբ տարուող առերեւոյթ մեղմ քաղաքականութեան, Ռեզեր Թայիփ Էրդողան-Արդիլլահ Գիլ կառավարութիւնը անշեղործն երկրի բրքացման ճամբան է շարունակում: «Մէկ Նրօց, Մէկ Ազգ, Մէկ Լեզու, Մէկ Պետութիւն» մինչ այսօր կրկնուող կարգախօսը արտայայտիչն է հասարակութեան վրայ պարտադրուած զաղափարախօսութեան: Այդ զաղափարախօսութիւնից շեղուելը ոճիր է եւ պատժելի 301 յօդուածով: Բասքին Օրանն էլ մէկն է դատապարտուածներից: Նրա յանցանքը՝ վիրաւորանք Թուրքիայի եւ բրքութեան դէմ: Երախորհրդարանին ներկայացնելու համար վարչապետի կողմից ապսպրուած եւ 2006 բուին պատրաստուած երկրի մարդկային իրաւունքների հարցի մասին գեկուցագրի մէջ Օրանը նշել էր, թէ Լօզանի համաճայնագրի նախատեսումներն ու պայմանները չեն գործադրուում փոքրամասնութիւնների նկատմամբ եւ նոյնիսկ մարդկային իրաւունքների ուժեղ խախտումներ են տեղի ունենուու հենց նաև թուրքերի դէմ: Օրանը դատապարտուու էր, քանի որ գործածել էր Türkiyeli ծենը, որ նշանակում է մարդ Թուրքիայից կամ Թուրքիայի քաղաքացի, մի եզր որ կարող է ցեղային կամ կրօնական տարբերութիւնների իմաստ տալ, փոխանակ Türk, որ պարզապէս գերինքնութիւն է առանց ոչ մի զանազանութեան:

The Great Game of Genocide: Imperialism, Nationalism, and the Destruction of the Ottoman Armenians (Յեղասպանութեան մեծ խաղը. կայսերապաշտութիւն, ազգայնականութիւն եւ օսմանեան հայերի կործանումը) իր վերջին գրում է. «Թուրքիան յամաօրէն ստել է իր անցեալի մասին, իր ստերի հաստատման ու առաջացման համար ուժ ու սպառնալիք է գործածել իր փոքրամասնութիւնների եւ այլ պետութիւնների դէմ, հայերին ջնշել է իր պատմութեան գրքերից»:¹⁸ Այս բոլորով հանդերձ ու ի հեճուկս այն իրողութեան, որ խորականութիւնն ու հալածանքը փոքրամասնութիւնների դէմ դեռ շարունակում են, անդրժելի երեւոյթ է փոքրամասնութիւնների ազգային ու

16 Տէս Ֆարմա Միլգ Գեօշեր, “Silences in the Turkish Republican Past: An Analysis of Contemporary Turkish-Armenian Literature” (Լուրիւններ Հանրապետական Թուրքիոյ անցեալում. վերլուծում թրահայ ժամանակակից գրականութեամ), անտիա:

17 Նոյն տեղում:

18 Կանըլ Բարսիմահի The Great Game of Genocide: Imperialism, Nationalism, and the Destruction of the Ottoman Armenians (Յեղասպանութեան մեծ խաղը. կայսերապաշտութիւն, ազգայնականութիւն եւ օսմանեան հայերի կործանումը) գրից մէջբերումը տէս Փերի Անդրսըն, “After Kemal” յօդուածում:

Կրօնական ինքնութեան խորացումն ու աւելի շեշտաւորումը. Երեւոյք՝ որ ճգնաժամի է յանդեցրել թուրք ազգային գեր-ինքնութեանը: Երիտ. Թուրքերից ժառանգած ու հանրապետական շրջանում անշեղօրէն ի գործ դրուած թրաքաման քաղաքականութիւնը (Turkification) ձախողել է: Պետութեան համար այլևս հնարաւոր չի ուրանալ Թուրքիոյ ազգային ու կրօնական բազմազանութեան առկայութիւնը եւ փոքրամասնութիւնների ազգային ինքնութիւնը: Դա պարտադրում է ներսից ու դրսից: Անդժեկի երեւոյք է նաև աստիճանաբար խորացող մղում՝ արզիւուած անցեալի պատմութիւնը պեղելու: Պետութեան համար այլևս հնարաւոր չէ հաշովի շնորհ անցեալի հետ: Դա եւս պարտադրում է ներսից ու դրսից:

Summary

The Ethnic Identities of Minorities in Turkey A Challenge Against the Government's Policy of Turkification¹⁹

*Rubina Peroomian, Ph.D.,
California, Los Angeles*

After a period of confusion at the end of World-War I, the Turkification of the ethnic and religious minorities in Turkey resumed in the Republican era. Kemalist secularization downplayed religion, but as soon as the days of Ismet İnönü, Islam began to slowly make its way into the center of the Turkish national discourse.

The policy of Turkification was pursued across all ethnic groups, in many instances resulting in persecutions and discriminatory treatment of the non-Muslim minorities. The 1934 decree to abolish non-Turkish surnames was a powerful strategy of Turkifying and homogenizing the diverse society. So was the 1942 wealth tax (varlık vergisi) which forced non-Muslims out of business by disproportionate and discriminatory taxes. Those who could not pay were exiled to labor camps. Then, it was the 1955 pogrom, organized in response to the Cypress issue. Greeks were the intended target, but Armenians and Jews too suffered the angry mob's looting, raping, killing, burning of houses, and destruction of properties. As Rober Haddejian puts it, more painful than all that wreckage, was the shattering of Armenian hopes for a better future in Turkey. Adnan Menderes, the main organizer of these pogroms, was convicted and put to death for accusations unrelated to these pogroms and the tremendous destruction and death they caused. The next peak event in the process of Turkification and the government's trampling on the rights of ethnic minorities was the 1960s campaign to prohibit the use of any language but Turkish. Significantly, beginning in 1965 the State Institute of Statistics omitted the question from the census concerning a person's mother tongue.

The suppression of minorities in Turkey amplified by the rise of ultranationalist, Islamist elements and their involvement in the republic's political process as well as their clandestine terrorist activities. Their covert manipulations and coercions in the

¹⁹ This article is based on a study that was presented at the "Symposium on Armenian Genocide Recognition and Beyond," March, 14 2009 in Los Angeles.

name of nation's interests are referred to as the workings of the deep state (*derin devlet*). The Islamist movement was briefly halted by the 1980 coup, but was resumed and, as Perry Anderson puts it, was reinforced by the Turkish Islamic synthesis as textbook doctrine. In the aftermath of the 1980 coup, repression against the Kurds took a new dimension: martial law in the south-east, a ban on using the Kurdish language and any cultural or political expressions of Kurdish identity spread over the entire country. This augmented repression pushed the Kurdish Workers party, towards paramilitary activities and an insurgency in 1984.

Acceptance in the European Union has brought about the government's change of attitude toward minorities, especially Kurds who are in the spotlight more than others. Alevis remain in a worse condition. They are accused of "heterodoxy worse than Shiism," even atheism. All the ethnic and religious minorities together figure one third of the entire population, and thus, as Perry Anderson puts it, one third of the population in Turkey is under systematic discrimination. Forced assimilation into the mainstream Turkish society—identity, culture, language, ethnicity—is in process engulfing all citizens of Turkey, be they non-Turk Muslims—Kurds, Lazs, Arabs, Circassians, Chechens—or non-Muslims such as Armenians, Greeks, and Jews.

In the case of the Armenian minority, the change to the worse occurred in the last two or three decades, and that is because of the political activities and armed struggle (the so called terrorist actions) of Diaspora Armenians for the world recognition of the Armenian Genocide. To counter these activities, the Turkish government fed its citizens with lies denying the Armenian claims, teaching them to hate Armenians. Taner Akçam, Osman Köker and many other Turkish intellectuals are trying to persuade the government to recognize the diversity of the Turkish society. Orhan Pamuk tries to show the importance of the multiethnic, multicultural society that existed in Turkey and the successive governments have tried to kill that. These intellectuals are digging for the truth in the past and are consequently harassed and persecuted. Hrant Dink's assassination is a sad proof of that.

Moderate approaches to the history of Modern Turkey constitute the inclusion of the Armenian experience in the Turkish republican history, albeit showing the Armenian Genocide as forced migration. Significant among these publications is From Subject to Citizen in 75 Years (1999)

Contrary to the present day show of leniency toward minorities, however, the Erdogan-Gül government follows the criteria of Turkification. “One Flag, One Nation, One Language, One State” continues to be the slogan and the ideology enforced on Turkish society. Digression from that ideology is considered a criminal offense and is prosecuted under article 301.

Despite the fact that discriminatory treatment of ethnic and religious minorities is still a continuing reality in Turkey, the ever deepening of the sense of ethnic and religious identity is also a reality which has no doubt created a crisis in the Turkish supra-identity. The policy of Turkification has failed, and the government is no longer able to distort and falsify the diversity and enforce its own prescribed “national identity”.